

謝伯陽 編纂

全明散曲

(增補版)

(二)

任丰塘敬題



齊魯書社

楊廷和

楊廷和，字介夫，號石齋，四川新都人。天順三年（一四五九）生，年十二舉於鄉。成化十四年（一四七八），先其父成進士。改庶吉士，授檢討。正德時官至少師、太子太師、華蓋殿大學士。李東陽致政，廷和遂爲首輔。武宗崩，廷和請立興獻王子。世宗未至，廷和總朝政幾四十日。及議大禮，持論不撓，卒以是忤帝意。乞休歸，後竟削職爲民。嘉靖八年（一五二九）卒，年七十一。有楊文忠公三錄、石齋集、樂府餘音等。

小令

【北雙調殿前歡】

閱耕亭寫懷

閱耕亭。一溪流水兩池平。愛蓮不減濂溪興。花豔輕盈。滄浪可濯纓。野唱宜閒聽。漁笛還相應。詩情逗我。我逗詩情。

中秋將近風雨連朝

風來。雨來。秋思渾無賴。一奩明鏡不教開。誰惹嫦娥恠。天柱峰頭。廣寒宮外。仰彌高莫浪猜。詩懷。酒懷。兩件兒都妨礙。詩懷。酒懷。爲甚的都妨礙。昔年曾到月宮來。欠下嫦娥債。丹桂詩題。銀河酒海。和聲遲飲量窄。石齋。自揣。怎不教嫦娥恠。

中秋見月

雨晴。月明。正與佳時稱。碧空雲靜露華冷。助我南樓興。萬古中秋。一奩明鏡。幻塵寰作玉京。神清。氣清。五內也冰壺瑩。神清。氣清。五內冰壺瑩。停盃門□有詩□。夜靜無人聽。丹桂生香。銀蟾弄影。念瓊樓□帝京。此生。此情。到老無終竟。

出 郊

遠莊。近莊。信步隨藜杖。雲林何□□枝香。正在村莊上。秋氣清明。秋郊閒曠。

一兩人皆慶。溝塍走徧。走徧溝塍。

閱耕亭。青蒲深處笑歌聲。綠楊缺處遊人影。閒坐閒行。君恩夢寐情。無奈煙霞興。養就膏肓病。浮名累我。我累浮名。

【北越調小桃紅】

正月十七日夜大風

東君初試柳條風。解凍也依然凍。枕上還來攪鄉夢。月朦朧。鄰家砲火聲相迸。縱然耳聾。也索心動。盼不到五更鐘。

【北雙調折桂令】

芍藥初開

惜花心貪看香苞。淡淡胭脂。點點櫻桃。帶露含羞。臨風學舞。天與妖嬈。行雨過仙衣翠裊。倚闌時酒暈紅消。夜坐無聊。銀燭高燒。荳蔻梢頭。想像風標。

辭朝志喜

感皇恩致仕歸來。步上金階。拜下金臺。近清光天日高明。瞻御座天顏咫尺。捧綸音天漢昭回。賜寶鏹黃封猶在。賜宮衣瑞錦新裁。元首明哉。輔弼良哉。老我歸休。人道賢哉。

褒城道中

出褒城望望中梁。見山色蒼蒼。煙靄茫茫。麥隴青青。花香細細。渠水泱泱。且不出道韓元帥登壇拜將。蕭丞相鑿堰開塘。道的是烏府堂堂。豸繡昂昂。惠在農桑。威在豺狼。

五月七日翕樂亭小飲

柳陰中小小池亭。翕樂爲名。友愛爲情。難弟難兄。如金如玉。同氣同聲。共受用太平嘉靖。好栽培世德留耕。晝錦歸榮。綠野經營。四面青山。一色圍屏。

五月二十六日入會城

錦城中畫繡來游。未冠登科。未老歸休。萬里江邊。百花潭上。駟馬橋頭。會意處。攜琴訪友。得閒時尋壑經丘。詩可消愁。酒可忘憂。或命中車。或棹孤舟。

錦城中畫繡歸來。父老懽迎。童稚驚猜。那裏有陸地神仙。山林宰相。塵世蓬萊。安樂窩乾坤自在。耆英社詩酒忘懷。綠野新開。素志初諧。君父恩深。未報涓埃。

錦城中畫繡行歌。望日天高。安土情多。花竹山扉。江夫野寺。消遣詩魔。洗墨池。揮毫亦可。支機石醒酒如何。到處經過。到處婆娑。錦里生光。錦水增波。

錦城中畫繡閒行。天宇開晴。街道寬平。玉帶麟袍。肩輿坐穩。黃閣風清。排筵會。園林擇勝。敘寒溫鄉里多情。觀者傾城。賀者同聲。道是五十年前。應舉先生。

【北雙調落梅風】

閒 賦

冬將盡。夜尚寒。畫樓頭角聲淒斷。夢回時不知行路難。醒來時在帝城西畔。

書燈暗。紙帳寒。漏聲長有誰相伴。急流中扁舟歸去難。盼不著太湖邊岸。參旗側。斗柄斜。最難捱曉鐘殘月。盼歸期不知是何日也。又一番水流花謝。雲程遠。宦海寬。算浮生百年過半。上竿時不知竿上難。卻教人道旁閒看。

【北雙調水仙子】

懷 歸

碧山學士早還家。老向紅塵也是差。幾時回到山亭下。俯清流數落花。喚鄰翁閒問桑麻。短笛樵歌應。長腰社鼓過。好自在生涯。

故山無限好生涯。臨老因何又出家。兩年忘卻漁樵話。草堂英埋怨咱。生拋撇秋月春花。錦里閒詩社。毘江冷釣槎。說甚麼新築隄沙。

一溪流水繞茅亭。恰受航中信意行。物華正與詩懷稱。愛滄浪好濯纓。竹篙長撐破空青。隔岸常呼酒。逢村旋問名。主人翁多少風情。

野航恰受兩三人。新水纔添好問津。韶光滿眼花成陣。世耕亭來往頻。弟兄每翕樂相親。丘壑聊乘興。雲霄各致身。聚星堂休羨陳荀。

閱耕亭外遠山青。威鳳龍門列畫屏。東君舊有看山興。對青山結草亭。不歸來孤負山靈。做的是攀龍夢。貪的是附鳳名。恠不的鶴怨猿驚。

鳳山西畔力耕亭。排闥朝朝遠送青。方池兩兩天光映。柳陰濃夾道平。勸耕時策杖閒行。酒令隨人換。詩篇信口成。那裏有案牘勞形。

閱耕亭子占高臺。翠柏蒼松遠近栽。青苗綠水周圍在。鑿方池薙草萊。映天光一鏡初開。關竹通三徑。流觴曲九迴。問東君何日歸來。

子孫相約事耕耘。少小趨庭有舊聞。留耕愛讀傳心印。教兒孫專務本。耕和讀都要殷勤。受用資田畝。榮華藉典墳。休全靠子曰詩云。

閱耕亭子對清溪。竹做扶闌柳護隄。平田一望無邊際。引溪流灌夏畦。餉田人來往東西。戲蝶穿花過。流鶯繞樹啼。問詩人指甚爲題。

閱耕亭上閱耕時。紅滿枝頭綠滿池。面前多少寬田地。子孫每受用的是。留耕翁留下鎡基。嫩箬裁風笠。長簑織雨衣。存耕翁勸稼東菑。

恩波池上燕遊時。酌取清波入酒卮。卮中涓滴皆恩賜。問浮生能有幾。向菟裘休算歸期。戲引松間鶴。閒敲竹下碁。龍門山是千古相知。

月池坊表面龍山。池上恩波海樣寬。鳶飛魚躍無邊岸。芰荷開雲錦攢。興來時獨自

盤桓。鳳閣趨嚴召。漁磯釋釣竿。兩年來鷗鷺盟寒。

八月十六日有懷寄京師兩兒

百般憂念百般難。一度書來一度寬。經年間阻經年盼。利名途禍患端。做閒官只守閒官。常記三緘口。常懷一寸丹。怕人情翻覆波瀾。

【北正宮醉太平】

關西道中

俺受朝廷寵祿。累軍民困苦。三徵再起一籌無。合投簪解組。俺論家貲也無鍾乳三千富。論佳人也無十二金釵麗。論蠶桑也無八百在成都。但終身不負。

趁青春作伴。聽黃鶯相喚。這回行路不知難。況程途坦漫。一高一下無隄岸。一深一淺無坑塹。一翻一覆少波瀾。又何憂何患。

望長安在東。又西來武功。勞勞一枕紅塵夢。願先生保重。四圍山色相迎送。三春花柳長陪奉。若無詩句謝天工。笑先生懵懂。

看殘碑斷碣。懷八俊三傑。紅塵老眼故相遮。又瞢騰過也。一成一敗多周折。一賢一佞閒分別。一來一往鑒前轍。免將來口舌。過長亭短亭。覺困困騰騰。青山杳杳水泠泠。問吏人不省。煙村遠遠多孤另。輿夫莽莽偏生硬。前呵兀兀欠分明。教詩人敗興。

二十日入益門鎮

進陳倉益門。登棧閣連雲。家鄉望著看看近。覺日近日親。煙峰隱隱排衙陣。松濤細細吹笙韻。游絲冉冉落花塵。爲行人解困。水灣環萬折。山險峻千疊。連雲棧道緩行些。想從前跋涉。到如今解組歸休也。揖高峰遙把山靈謝。數行程細與驛官說。利名途罷歇。

松林驛新開嶺

新開嶺路捷。新店兒周折。是何人移向東來。也比西行便些。孤村煙火相連接。四時花草閒開謝。一溪流水自橫斜。教詩人喜愜。

四月七日保寧道中

出東關渡河。又西水上坡。看山看水閒工課。算工程在我。莎裯借與行人坐。鳥聲喚得詩人和。竹枝留與路人歌。也無乎不可。謝聖恩寬大。許晝錦歸來。休言無地起樓臺。愧官居鼎鼐。白頭了卻詩書債。青山枉被煙霞恠。而今綠野又重開。好風流自在。

【北中呂喜春來】

盆池荷花

娥池影出嫦娥面。月府飛來水月仙。觀音離了普陀山。相府蓮。開在相門前。

月下荷花

凌波不帶煙花氣。仙種遙分太華池。清香不負草茵期。斷酒時。辜負賞花詞。

【北中呂朝天子】

閱耕亭送劉員外原靜

遠行。上京。萬里雲霄興。碧山學士舊家聲。況是尚書令。天下文宗。川西重慶。法星明外史清。蜚英。齊鳴。又見連枝盛。水亭。送行。引起詩家興。滄浪一曲野人情。詩客難爲聽。轉調琴歌。隨時酒令。俯清流吸翠莖。溪聲。鳥聲。遠近爭相應。碧筒。把鍾。權當蓮盃用。翠盤長柄玉玲瓏。一吸清風動。玉井天香。濂溪珍重。莫留殘莫放空。情濃。酒濃。莫惜殷勤奉。

戲筆

做詩。做詞。人道我閒淘氣。消閒只用這些兒。此外別無事。靜裏乾坤。淡中滋味。想當初年少時。醉裏。夢裏。費盡了千般力。

中秋將近風雨連朝

風來。雨來。秋思渾無賴。一奩明鏡不教開。誰惹嫦娥恠。天柱峰頭。廣寒宮外。仰彌高莫浪猜。詩懷。酒懷。兩件兒都妨礙。詩懷。酒懷。爲甚的都妨礙。昔年曾到月宮來。欠下嫦娥債。丹桂詩題。銀河酒海。和聲遲飲量窄。石齋。自揣。怎不教嫦娥恠。

中秋見月

雨晴。月明。正與佳時稱。碧空雲靜露華冷。助我南樓興。萬古中秋。一奩明鏡。幻塵寰作玉京。神清。氣清。五内也冰壺瑩。神清。氣清。五内冰壺瑩。停盃門□有詩□。夜靜無人聽。丹桂生香。銀蟾弄影。念瓊樓□帝京。此生。此情。到老無終竟。

出 郊

遠莊。近莊。信步隨藜杖。雲林何□□枝香。正在村莊上。秋氣清明。秋郊閒曠。

寫秋空□□行。這廂。那廂。只聽的牧童唱。

秋夜月下聞簫

滿庭。月明。玉宇秋容淨。不知何處玉簫聲。獨自凭闌聽。桂子香清。嫦娥孤令。廣寒宮不見影。有情。無情。且對著千秋鏡。

雨中閒適

風多。雨多。不似重陽過。無花無酒興如何。鎮日拋書坐。水調山歌。自吟自和。有誰人閒似我。灑落。快活。還理會田家課。

工 酒

醉鄉。味長。痛飲原無量。如今衰病苦難當。寄興在詩篇上。酒戶畸零。詩壇驍將。謝歡伯辭杜康。清狂。醒狂。辦小令與家童唱。

【北中呂普天樂】

萱花

草忘憂。花蠲忿。枝分釵股。葉散羅紋。風飄翠帶長。日射丹霞暈。玉露金莖漱芳潤。小盆池偌大乾坤。宜男衍慶。催詩遣興。對酒怡神。

秋雨

五更風。終朝雨。禾頭生耳。屋角生芝。東鄉米似珠。西市薪如桂。滴得愁人心如碎。怨天公不禁龍師。荒村下里。孤兒寡婦。更是愁時。

【北南呂金字經】

對雨

雨氣疏簾外。雨聲高樹頭。聽雨看花閒倚樓。謳。有詩常在口。揮毫手。兩般兒都不休。

曉雨來時驟。午風吹不休。新翠滿□□欲流。欲走。盤珠盤上走。荷筒酒。與誰閒
倡酬。

【北南呂四塊玉】

雨中有懷

雨不絕。天還熱。酒債詩逋且寬些。花香樹色都忘也。坐也呆。睡也呆。心似鐵。
進退機。平生事。鳬短鶴長自尋思。蠅頭蝸角閒淘氣。功有之。名有之。想甚的。
致仕歸。偷安計。蒲柳原無松柏姿。鷓鴣那有鷓鴣翅。做少師。兼太師。都未宜。
萬卷中。千年事。上疏非關北山移。到家不買東山妓。南北詞。長短句。都是詩。

【北雙調沈醉東風】

夏晚納涼

也不愛披襟散髮。也不須問柳尋花。蕭條水竹居。嬾散漁樵話。再休題新築隄沙。
漫道是山中宰相家。也不問凌煙繪畫。